



## Aningaasanut Nunanullu Allanut Naalakkersuisoq

### **Aningaasaqarnermut Ataatsimiititaliap suliaq nr. 01.31.06/07-00223 pillugu pingasunngornermi ulloq 17. januar 2007-imi aalajangiinera pillugu Naalakkersuisunut ilisimatitsineq.**

(Naalakkersuisut ulloq 5. januar 2007-imi ataatsimiinneranni imm. 2d)

### **Umannami eqqaanilu ilaasunik angallassinermik aallartitsinissaq**

#### **Naalakkersuisut inassutigaa.**

Namminersornerullutik Oqartussat Uummannami 1. januar 2007-imiit 31. december 2010-mut qulimiguulik atorlugu timmisartuussisarnissaq pillugu Air Greenlandimut kiffartuunneqarnissamik isumaqatigiissutissaat ilanngunneqartoq akuerineqassasoq.

#### **Aningaasaqarnermut Ataatsimiititaliap oqaaseqaatai**

Siunnersuutip matumani pineqartup isummerfigineqarnerani Aningaasaqarnermut Ataatsimiititaliaq isumaqatigiinngilaq.

Aningaasaqarnermut Ataatsimiititaliami ikinnerussuteqartoq, Demokraatit ilaasortaataat aningaasaliissuteqarnissamik qinnuteqaat pillugu ima oqaaseqarumavoq:

*”Imaatigut angallanneqarnissamik periarfissat innuttaasunit akilerneqarsinnaasut Naalakkersuisut qulakkeerniartariaqaraat Aningaasaqarnermut Ataatsimiititaliap siusinnerusukkut erseqqissaatigaa. Ullumikkut nunatsinni angalaniarneq nalinginnaasumik akisuallaarlunilu attaveqaatit eqqarsaatigalugit pisariuallaarpoq, tamatumani minnerunngitsumik avannaani angalaniarneq. Kiffartuussinissamik isumaqatigiissutissatut siunnersuutigineqartukkut tamanna aaqqiivigineqanngilaq. Akerlianilli kiffartuussinissamik isumaqatigiissutikkut 2010 tikillugu aaqqiinissamut akisunerusumut pitsaanagerusumillu aaqqiissutaasinnaasumit ajornerusumut pituttorneqarsinnaavugut. Uummannaq pitsaanagerusumik pineqartariaqarpoq!*

*Uummannap eqqaa takornariaqarnissamut assorsuaq piukkunnaateqarpoq ullumikkornit pitsaanagerusumik atorluarneqartariaqartumik. Uummannamilu takornariaqarnermik ingerlatallit kiffartuussinissamik isumaqatigiissutissatut siunnersuutigineqartumit pitsaanagerusumik tapersorneqartariaqarput. Tamanna ilaatigut pisinnaavoq helikopterimik angallassinerep aasaanerani imaatigut angallassinermik tapertaqartinneqarneratigut immaqaluunniit tamakkiisuunngikkaluamik taarserneqarneratigut.*

*Siullermilli avannaani angallanneqarnissamik pisariaqartitsinerit periarfissallu maannamiit sukumiinerujussuarmik misissorneqarlutillu qulaajaavigineqarnissaat pisariaqassaaq. Tamannalu ilaatigut Destination Diskop kaammattuutai naapertorlugit najukkani ataasiakkaani ingerlatsisut kommunillu pimoorullugu akuutinneqarnerisigut pissaaq. Tassunga atatillugu nunap immikkoortuinut aggulullugit kiffartuussinissamik maanna isumaqatigiissutaasut naapertuunnersut misissorneqartariaqassaaq.*

*Angallanneq pillugu taama misissueqqissaarneq oqallinnerlu naamassereerpat kiffartuussinissamik isumaqatigiissutit piffissami sivilunerusumi atuuttussat aalajangersaaviginissaat pissusissamisuusaaq. Tamannali pitinnagu piffissamut sivilinnerusumik isigisumik sulisoqartariaqarpoq.*

*Tamanna tunngavigalugu qinnuteqaat Demokraatinit akuersaarneqarsinnaanngilaq.”*

Aningaasaqarnermut Ataatsimiititaliami amerlanerussuteqartut, Siumumeersut, Atassummeersut Inuit Ataqaatigiinneersullu ikinnerussuteqartoq assigalugu isumaqarpoq inunnik angallassinerup annertunerusumik ataqaatigiissaarneqarlunilu akikillisaavigineqarnissaa pisariaqartoq. Angallannermut tunngasut annertunerusumik pilersaarusiortifigineqartariaqarnerannik naliliineq amerlanerussuteqartunit aamma taperserineqarpoq. Amerlanerussuteqartunilli aamma oqaatigineqassaaq takornariat, angalaartitsisartut innuttaasullu eqqarsaatigalugit Uummannap eqqaani angallannikkut attaveqaatit ungasinnerusumut isigisut patajaatsullu qulakkeerneqarnissaat pisariaqartoq. Tamanna misissueqqinnissat pissutigalugit utaqqinneqarsinnaanngilaq. Tamanna tunngavigalugu qinnuteqaat amerlanerussuteqartunit akuersissutigineqarsinnaavoq.

Siuliani allassimasut tunngavigalugit Aningaasaqarnermut Ataatsimiititaliaq isumaqatigiittoq ima kaammattuuteqassaaq,

Aasaanerani Uummannap eqqaani ilaasunik angallassinerup umiarsuartigut akilerneqarsinnaasumik angallassinerup tapertaqartinneqarsinnaaneranut periarfissanik naalakkersuisut naliliissasut.

Angallassisartup isumaqatigiissuteqarfigineqartup nammineq sulississutigisartagai aammalu angallassisartut allat sullississutigisartagaat eqqarsaatigalugit angallannikkut kiffartuussininerup maannamit annertunerujussuarmik ataqaatigiissaarneqarnissaanik angallassisunut kiffartuussinissamik isumaqatigiissuteqarfigineqartunut Naalakkersuisut maannamit piomasqaateqartalissasut. Uummannap eqqaani nunaqarfimmit nunap immikkoortua qimallugu ullumikkut angalaniarnermi ulluni arlalinni uninngaqaartariaqartoqartarpoq, tamannalu ataqaatigiissarinerup ullumikkut pitsaanerpaajunnginneratut ersiutaalluinnarpoq.

Aningaasaqarnermut Ataatsimiititaliap aalajangiinera

Naalakkersuisut inassuteqaataat Aningaasaqarnermut Ataatsimiititaliami amerlanerussuteqartunit **akuersissutigineqarput.**

Inussiarnersumik inuulluaqqusillunga

Ellen Christoffersen

Aningaasaqarnermut Ataatsimiititaliami siulittaasoq